



Ai 02.05.2010 él gnu sughé la quarta partida (secundo derby) por La Val cuntra San Martin, fora de ciasa. Do da la vitoria cuntra i prüms dl Raas ne é nia plü stada buna la scuadra da La Val da purté inant la bela serie de vitories, purdon 0 : 1. Cun chisc trei punc lasciá sön trú resta La Val al 5. post y ne é nia bugn da sfruté le pareggio dl Alta Badia cun le Gsies. A San Martin él sté en grüm de tifosi, ince da Al Plan deache vei ne suga nia chesta dumenia. La partida met man cun en bel palo de Frenes Michael sön puniziun trata fora da Miribung Alexander. Ti prüms menüc á La Val de plü possibilites da jí in vantaje, mo ai ne é nia bugn da met le pal te porta. Frenes Michael fesc en gran "Druck" sön la fascia derta ruvan a deplü concluiuns, mo le portir da San Martin Moling Michael é tres bun da paré. Deplü crosc vegn dala pert derta por i due attacanç, mo le pal ne röia nia te porta. A mesa le prüm temp él spo San Martin che met man da aumenté le ritm y röia ince vei a deplü possibilites da se porté in vantaje.

Le arbiter met man da sciuré deplü fals, che ne é nia, sides dala pert de San Martin che da La Val, insciö met man la partida da perde cualité y jüch. Le prüm temp se stlusc jö sön le 0 : 0. Ti secundo temp él spo San Martin che süga le "jolly" Winkler Franz. Che porta spo San Martin in vantaje. La difesa da La Val ne e nia metüda sö bun, spo él gnu en bel lancio, che á spo metü Winkler dassú dan Vallazza Merch, che ne á albü degüna chance da paré le tiro bel piazzé dlungia le palo a manciampa. Do le goal ne é nia plü buna la scuadra da La Val da fá só jüch. Purvan da fá plü "Druck" dant, é San Martin der prigorusc sön i "contropiedi". Deplü iadi mess i difensurs da La Val archité i sogadusc da San Martin cun en fallo. Deplü puniziuns dl San Martin vegn sprecades, tiran te bariera o fora de porta. I sogadusc met ince man da se inervosí, deache le arbiter ne á nia plü la partida tles mans, sciuran insciö deplü coses che ne é nia. Al mess ince tra fora deplü amoniziuns, Ploner Werner vegn ala fin sciuré fora pur soma de amoniziuns, le alenadú da La Val, Scalzini Marco, vegn incé sciuré fora. La partida se stlusc jö sön le 0 : 1 por San Martin.

In cürt ciámó les sostituziuns dla partida:

AI 65° Elzenbaumer Alex por Miribung Alexander

Al 75° Verginer Franzi por Sottara Stefan

AI 80° Castlunger Marco por Nagler Max

Por ciaré ala formaziun y la panchina clicca la foto in injunta.



Por ciaré ala tlassifica y i resultáć dles artres partides clicca. [Resultáć y tlassifica](#)

Por ciaré ales foto dla partida clicca. [FOTO](#)